

sum composuit opus : *Specimen ecclesiae Ruthenicae* ab origine susceptae fidei ad nostra usque tempora in suis capitibus seu primatibus Russiae cum S. Sede Apostolica Romana semper unitae exhibitum, Romae, 1733.

326. — **Gregorius Kolb S. J.** († 1746), Germanus, in academia Friburgensi historiae professor, praeter alia opuscula composuit adjectis reflexionibus historicis *Seriem Romanorum Pontificum*, Friburgi Brisgoviae, 1720.

327. — **Eduardus Ambrosius Burgis** († 1747), Ord. Praed., Anglus, ex haeresi ad fidem conversus, theologiae Lovanii professor, conscripsit grato stilo opus accuratum et utile, historiam Ecclesiae priorum quinque saeculorum complectens : *The Annals of the Church*, Londini, 1738.

328. — **Marcus Antonius Boldetti** († 1749), Romanus, ecclesiae ad S. Mariam Majorem canonicus, vir vastissimae eruditionis, in archaeologia christiana peritissimus, reliquit opus historiae ecclesiasticae proficuum : *Osservazioni sopra i Cimiteri de' SS. Martyri ed antichi Cristiani di Roma*, Romae, 1720.

329. — **Ludovicus Antonius Muratori** († 1750), sacerdos Italus, utriusque juris doctor, per quinquaginta annos Mutinae bibliothecarius, archivarius simulque in ecclesia Mutinensi S. Mariae praepositus et parochus, vir insignis pietatis ac zelo semper animarum flagrans, pater pauperum et aegrotorum, fructuosissimam vitam studia litteraria inter et sacri ministerii officia illibate transegit. Quod tempus excipiendis confessionibus, visitandis carceribus, assistendisque moribundis detrahebat, colligendis atque edendis libris insumebat. Scientiae ac eruditionis singularis splendore omnes suos superavit connationales. Et « quamvis in ejus scriptis multa reperiantur censura digna, tamen ad res vicesque Italicas illustrandas tantam vim congesit monumentorum, ut nemo majorem » (Leo XIII, Encycl. *Saepenumero*). Opera ejus non tantum historiam Italiae attingunt, sed historiam Romani Pontificatus, imo universalis Ecclesiae mire illustrant. Praestantissima sunt : *Rerum Italicarum Scriptores* ab a. 500 ad a. 1500, 28 voll., Mediolani, 1723-51 ; *Antiquitates Italicae medii aevi*, 6 voll., ib. 1739-43 ; *Annali d'Italia*, 12 voll., ib. 1744-49.

330. — **Gregorius Jos. ab Eggs** († 1750),

sacerdos Germanus, s. theologiae doctor et canonicus Rheinfeldensis, edidit *Pontificium doctum*, continens vitas et res gestas RR. PP., Coloniae, 1718.

331. — **Ignatius Brentano Cimarolo** († 1750), O. S. Ben., natione Bavarus, patria Bambergensis, contexit utilem *epitomen chronologicam mundi christiani*, usque ad a. 9726, Augustae Vind., 1727.

332. — **Antonius Sandini** († 1751), sacerdos Italus, historiae ecclesiasticae professor, composuit opus insigne, cui multas annotationes et disputationes eruditissimas de rebus historicis subnectuntur : *Vitae Pontificum Romanorum ex antiquis monumentis descriptae*, Patavii, 1748.

333. — **Joan. Antonius Sassi** († 1751), Congr. Oblat., Italus, post Muratorium bibliothecae Ambrosianae praefectus, vir morum candore et solida eruditione aeque clarus, edit *Archiepiscoporum Mediolanensium seriem historico-chronologicam ad criticae leges et veterum monumentorum fidem illustratam*, Mediolani, 1755.

334. — **Philippus Card. de Montibus** († 1754),

Italus, edidit opus valde pretiosum : *Elogia S. R. E. Cardinalium illustrium* ab Alexandro III ad Benedictum XIII, Romae, 1751.

335. — **Franciscus Scipio Maffejus** († 1755), ex nobili stirpe in Italia ortus, vir vastitate eruditionis et sagacitate judicii admirabilis, duobus praesertim operibus disciplinam historiam illustravit : *Istorica diplomatica*, Mantuae, 1727, et *Verona illustrata*, Mediolani, 1835.

336. — **Erasmus Froelich, S. J.** († 1758), Graecensis in Styria, vir undequaque doctissimus sicut et humilitate ac solitudinis amore sibi despabilis, in antiquitatibus Austriacis versatissimus, miram suam eruditionem in re nummaria prodidit opere : *Notitia elementaris numismatum antiquorum*, Vindobonae, 1758. Confecit *Annales compendiarios regum et rerum Syriae*, Viennae, 1744.

337. — **Augustinus Franc. Orsi** († 1761), Ord. Praed., Florentinus, Romae theologiae scholasticae professor, Congr. Indicis secretarius et tandem R. E. Cardinalis, « vir erat, qui nativo animi candore, prudentia, eruditione, pietate rarisque mentis et corporis dotibus

venerationem, amorem atque admirationem in se rapuit ». Benedicto XIV hortante compositus stilo puro ac eleganti, judicio critico et magna eruditione *Storia ecclesiastica*, Romae, 1746-61, quam historiae Fleurii lingua patria opposuit. Opus est magni pretii, quod sex prima Ecclesiae saecula complectitur.

338. — **Joan. Franc. Foppens** seu **Foppius** († 1761), Bruxellensis, canonicus Mechliniensis, de historia ecclesiastica Belgii bene meritus, edidit *Chronologiam sacram episcoporum Belgii*, Bruxellis, 1671. Diligenter conscripsit *historiam episcopatus Antverpiensis* et *episcopatus Silvaeducensis*.

339. — **Josephus Hartzheim**, S. J. († 1763), Coloniensis, theologiae doctor et professor, praedicator paeclarus, animarum venator, historiographus insignis, plura scripsit opuscula de historia ecclesiae Coloniensis, sed magnum nomen sibi reliquit opere *Concilia Germaniae*, 5 voll., Coloniae, 1759-63, quod auxit notis et digressionibus criticis.

340. — **Nicolaus Coleti** († 1765), presbyter Italus, auctam curavit editionem *Italiae sacrae*

Ferd. Ughelli et novam Collectionem *Conciliorum sacrosanctorum*, Venetiis, 1733.

341. — **Marcus Hansiz**, S. J. († 1766), Germanus, primum philosophiae professor, mox se totum lucubrationibus historicis dedit, et postquam praecipuas bibliothecas lustravit, conscripsit immortale opus *Germania sacra*, Augustae Vind., 1729, quod miram eruditio- nem, diligentem curam et judicii sagacitatem ostendit. Operis scopum in praefatione indicat : « Laudare Deum et Sanctos, viros gloriosos et parentes nostros in generatione sua, quibus posteri salutem ferimus acceptam ; efferre in lucem paeclara pontificum exempla, religionis initia, progressum, casus, hostes, defensores ; suscitare memoriam fundatorum, aliorumque virorum misericordiae, quorum pietates non defuerunt. »

342. — **Petrus Claudius Goujet** († 1767), Congr. Orat., postea Canonicus S. Jacobi hospitalis, Parisiensis, vir eruditione ac sollertia conspicuus, Jansenismo autem nimis favens, edidit *Histoire des Inquisitions*, Coloniae, 1759.

343. — **Josephus Simon Assemanus** († 1768),

Maronita, e celeberrima familia Assemanorum in Syria, cuius frater Josephus Aloysius et nepos Evodius in litteris etiam excelluerunt, bibliothecae Vaticanae custos et basilicae S. Petri canonicus, postea archiepiscopus Tiriensis i. p. i., vir in antiquitatibus orientalibus peritissimus, varia edidit opera historiae ecclesiasticae utilia : *Kalendaria Ecclesiae universae*, Romae, 1750-55; *Bibliotheca Orientalis Clementino-Vaticana*, Romae, 1718-29; *Italicae historiae scriptores*, Romae, 1751-53.

344. — **Joannes Dominicus Mansi** († 1769), Congr. Matris Dei, Lucae natus ibique philosophiae ac theologiae lector eximius, postremo archiepiscopus Lucensis, omnis officii diligentissimus, virtute humilitatis et erga pauperes liberalitate insignis, eruditione vere universalis admirandus, judicio critico ac fideli cura scriptor egregius, *Annales ecclesiasticos Baronii*, utriusque Pagi et Odorici Raynaldi, 39 voll. Lucae, 1738-59 edidit, notis eruditis et animadversionibus utilibus plenos; editionem correctam *historiae ecclesiasticae* Nat. Alexandri curavit, Lucae, 1749; splendidissimam labriosamque fecit *Collectionem SS. Conciliorum* adjectis notis et dissertationibus locupletissimis, Florentiae, 1759 et seq.

345. — **Petrus Ballerini** († 1769), qui in edendis et illustrandis patrum operibus a fratre **Hieronymo Ballerini** († 1781) vix sejungitur, sicut et iste, sacerdos Italus, vir acris et subtilis ingenii, animi fortis et constantis, sedi apostolicae addictissimus, inter alia edidit cum fratre opera Cardinalis Norisii perfecitque *historiam Donatistarum*, Veronae, 1733, et *S. Leonis M. opera annotationibus eruditissimis illustrata*, Venetiis, 1753.

346. — **Joannes Lami** († 1770), Italus, legisperitus et judex, vir vastissimae eruditionis et litterarum promotor, acerbioris tamen animi, multa composuit opera. Colligit praesertim *Sacrae ecclesiae Florentinae monumenta*, Florentiae, 1758.

347. — **Henricus Florez** († 1773), O. S. Aug.. Hispanus, in sacris ac profanis scientiis optime excultus, universitatis Complutensis doctor et professor, sui ordinis praepositus provincialis, profunda humilitate aequa ac eruditione laudabilis, edidit opus clarissimum : *Espāna sagrada*, Matriti, 1747.

348. — **Daniel Farlati** S. J. († 1773), Italus,

in historia Ecclesiae Illyricae versatissimus, edidit opus laboriosum ac pretiosissimum, cui titulus : *Illyrici sacri*, Venetiis, 1751.

349. — **Albanus Butler** (†1773), sacerdos Anglus, in collegio Duacensi philosophiae ac theologiae professor atque vicepraeses, postea in patria missionarius strenuus, auctor doctus ac modestus, magna sinceritate et unctione conscripsit anglice : *The lives of the Fathers, martyrs and other principal saints*, Londini, 1745.

350. — **Thomas Phillips** (†1774), Anglus, primum in patria missionarius, deinde canonicus Tungrensis, in anglica lingua et stilo nitido composuit *Vitam Cardinalis Poli*, Londini, 1769, quae historiam schismatis Anglicani illustrat.

351. — **Thomas de Burgo** (†1776), Ord. Praed., Dubliniensis, in conventu Romano Dominicanorum studiorum praefectus, in patriam redux electus episcopus Ossoriensis confecit utile opus : *Hibernia Dominicana sive historia provinciae Hiberniae O. S. D.*, Coloniae, 1762.

352. — **Joan. Ben. Mittarelli** (†1777), Ord.

Camald., Venetus, sanctitate ac doctrina sui Ordinis decus et ornamentum, mira perspicuitate, diligentia et judicio critico conscripsit *Annales Camaldulenses*, 9 voll. Venetiis, 1755-73.

353. — **Franciscus Rzepnicki** S. J. (†1780), Polonus, archivorum praefectus, accurate composuit opus historiae ecclesiasticae proficuum : *Vitae praesulum Poloniae et magni Ducatus Lithuaniae, Posnaniae*, 1761-63.

354. — **Franciscus Xaverius Pejacevich** seu **Piatsvits** S. J. (†1780), in Croatia natus, philosophiae ac theologiae professor, composuit *Historiam Serviae*, complectentem historiam de statu religionis et regni Serbiorum a saeculo vii ad saeculum xv, ed. Colocae, 1799.

355. — **Richardus Challoner** (†1781), Cicertriae in Anglia natus, ex errore Anglicanorum ad veram fidem conversus et Duaci rite institutus est, ubi philosophiam et theologiam aliquandiu legit. In patriam redux ministerium missionarii onerosum forti animo exercuit. Vicarius apostolicus Londinensis constitutus et multas aerumnas in exercitio officii episcopalibus passus semper exstitit fidei defensor intrepidus. Plures

composuit libros historiae eccl. utiles e documentis solidissimis, inter quos sunt notissimi : *Britannia sancta or the Lives of the most celebrated British, English, Scottish and Irish Saints*, who have flourished in those islands from the earliest times of Christianity down to the change of Religion in the xvith century, Londini, 1745; *a British Martyrology*, Londini, 1761; *Memoirs of Missionary Priests and other Catholics*, ed. Manchester, 1813; *a short history of the first beginning and progress of the Protestant religion*, Londini, 1803.

356. — **Matthaeus Villanuno** (†1784), O. S. Ben., Hispanus, edidit *Summam conciliorum Hispaniae*, Matriti, 1781-5, cui eruditas notas et dissertationes adjecit.

357. — **Marius Guarnacci** (†1785), Italus, praelatus domesticus et basilicae Lateranensis canonicus, RR. PP. gesta narravit in opere pretioso : *Vitae et res gestae Rom. Pontificum et S. R. E. Cardinalium a Clemente X ad Clementem XII*, Romae, 1751.

358. — **Antonius Grammer** S. J. († 1785), Bavarus, de historia ecclesiastica suae patriae

bene meritus, edidit *Vitam S. Henrici et S. Cunegundis* aliorumque sanctorum, Friburgi Brisgoviae, 1770; *Frisinga sacra*, Monachii, 1775; *Heiliges und Gottseliges Eichstaett*, Eichstadii, 1780.

359. — **Josephus Allegranza** († 1785), Ord. Praed., Mediolanensis, in antiquitatibus christianis peritissimus, erudite scripsit *De sepulchris christianis in aedibus sacris*, Mediolani, 1773.

360. — **Thomas Grebner** S. J. († 1787), Bavarus, Heidelbergae et Wirceburgi professor philosophiae, accurate et modo critico confecit utile *Compendium historiae universalis et pragmaticae Romani Imperii et Ecclesiae Christianae*, Wirceburgi, 1757-64.

361. — **Philippus Salvator Gilii** S. J. († 1789), Italus, in America diu missionarius, accuratas noticias de regione populoque in lucem dedit opere inscripto : *Saggio di Storia Americana*, Romae, 1780-84.

362. — **Clemens Becker** S. J. († 1790), Westphalus, in academia Monasterensi theologiae

professor, edidit *Historiam Ecclesiae practicam* usque ad saeculum decimum sextum, 7 voll., Monasterii, 1782-90.

363. — **Felix Job Dobner** († 1790), Schol. piar. Prag., Bohemus, Imperatricis Mariae Theresiae historiographus insignis, de historia Ecclesiae bohemicae optime meritus, edidit *Wenceslai Hagek Annales Bohemorum*, Pragae, 1761-83; *Monumenta historica Bohemiae*, ib. 1764-86.

364. — **Thomas Maria Mamachi** († 1792), Ord. Praed., in insula maris Aegei natus, pri-
mum philosophiam Florentiae et Romae docuit,
deinde se totum studiis antiquitatis dedit.
Composuit opus plane egregium : *Originum*
et antiquitatum christianarum Libri XX,
5 voll., Romae, 1749-55. S. Antonini *opera
omnia* cum dissertationibus et copiosis notis sic
edidit, ut novam molem magni pretii elabora-
verit, Florentiae, 1741.

365. — **Bertholdus Rizelius** († 1792), O. S. Ben. in monasterio Mellicensi in Austria phi-
losophiae ac theologiae lector, diligentia lau-
dabili et judicio critico usus edidit *Sanctam et
beatam Austriam*, Augustae Vindob., 1750.

366. — **Franciseus Clément** († 1793), O. S. Ben. congr. S. Mauri, Gallus, vir egregie doctus et in disquirendis quaestioneis isagogicis infatigabilis, monumenta Galliae historica colligit in opere : *Recueil des historiens de France*, Parisiis, 1786, et utile opus edidit : *L'art de vérifier les dates*, ib. 1770.

367. — **Martinus Gerbert** († 1793), O. S. Ben., monasterii S. Blasii in silva nigra abbas princeps, sodalium suorum eruditissimus, librorum et codicum collector infatigabilis, religionis operibus et scientiae studiis aequa devo-
tus, Ecclesiae ac patriae floruit decus. « Erat enim suis verus pater, subditis beneficus prin-
ceps, in pauperes et infirmos misericors, ideo-
que Gallos exsules, qui jam tunc affluere coe-
perunt, ut confessores Christi benigne exceptit ;
jurium Ecclesiae et abbatiae strenuus propug-
nator, studiorum fautor, ipse doctissimus, ut
testantur plurima ejusdem scripta » (Hurter). Historiam ecclesiasticam illustrant opera se-
quentia : *De cantu et musica sacra a prima
Ecclesiae aetate usque ad praesens saeculum*,
Typis San-Blasianis, 1774 ; *Scriptores eccl-
esiastici de musica sacra*, ib., 1784; *Historiae
nigrae silvae*, S. Ben. coloniae, ib., 1783 ;

Pinacotheca principum Austriae, Friburgi,
1773.

368. — **Carolus Franc. Lhomond** († 1794),
Gallus, tam pius quam doctus, instituendis
pueris devotissimus, ad christianaे juventutis
utilitatem composuit *Histoire abrégée de
l'Église*, Parisiis, 1787.

369. — **Hieronymus Tiraboschi S.J.** († 1794),
Italus, vir eruditione et sanctitate resplendens,
edidit opus doctissimum solidissimumque *His-
toriam litterariam Italiae*, 14 voll., Mutinae,
1771-82.

370. — **Antonius Henricus Berault-Bercas-
tel** († 1794), Gallus, aliquando Societati Jesu
adscriptus, deinde parochus, postea canonicus
Noviodunensis (Noyon), stilo magis grato quam
modo eruditio composuit Historiam Ecclesiae
universalem usque ad initium saeculi decimi
octavi : *Histoire de l'Église*, 12 voll., Parisiis,
1777-90.

371. — **Joannes Schwab S.J.** († 1795), Ger-
manus, Heidelbergae professor scientiae diplo-
maticae, istam disciplinam maximo cum fructu
excoluit, sicut appareat ex opere utilissimo :
Institutiones diplomaticae, Wetzlariae, 1778.

372. — **Franciscus Antonius Zaccaria S.J.**
(† 1795), Venetus, in bibliotheca Mutinensi
custodienda Muratorii successor, deinde Romae
in *Sapientia historiae ecclesiasticae* professor,
sedis apostolicae propugnator acerrimus, vir in
omni doctrinae genere versatissimus, edidit :
Series episcoporum Cremonensium, *Lauden-
sium*, *Auximatum*; *De rebus ad historiam
atque antiquitates Ecclesiae pertinentibus*, Ful-
ginae, 1781; *Anecdota medii aevi collectio*,
Aug. Taurin, 1755.

373. — **Stephanus Alexander Würdtwein**
(† 1796), Germanus, Moguntini Capituli Cathe-
dralis decanus et episcopus suffrag., vir admo-
dum eruditus et diligentissimus auctor, edidit :
Concilia Moguntina, Manheimii, 1766; *Subsidia
diplomatica*, Heidelbergae, 1772; *S. Bonifacii
epistolarum collectio*, Moguntiae, 1789.

374. — **Andreas Mazza** († 1797), O.S. Ben.,
Italus, bibliothecae sui monasterii Parmae
praefectus, in archaeologia et historia litteraria
praesertim peritus, scripsit *Historiae eccl-
esiasticae selecta capita*, Parmae, 1780.

375. — **Carolus Walmsley** († 1797),